

四願日月二景高明無有薄蝕虧盈安清光
照諸天洞消暗冥保固劫運世祚和平普
加潤惠澤灑衆生

五願星辰與日月齊光轉燭照輝映十方
各安其位經緯直行保鎮家國無有災傷

四海寧一普天興昌

六願四時隨節推遷景氣和調無有災患疫
毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隱
則無為散則彌天神仙同居結友衆具惠

八願風雨流灑無窮普加施泄受其發揚萬
物滋生國儲民豐

九願五嶽各安其方魏觀包藏長為仙宮安
鎮國祚保天無終護度一切莫不仰宗

十願江海蕩蕩无極合容恢廓無細不植淵
奧柔惠潤加熳息天人獲慶年同劫石

十一願帝王國土日昌四鎮安睦兵革不揚
天人歌唱吉應來翔敷教濟濟成化洋洋
兆庶稱慶長樂未央

十二願壇飛蠢動已生未生成蒙安全普得
生成皆見元炁受陽之形草木果林經冬
不零一切濟度靡不鮮榮和與道合真

復爐

香官使者左右龍虎君侍香諸靈官當令
建齋之所自然生金液丹碧芝英百靈衆真

交會在此香火爐前令臣學道得道求仙得
仙齋主受福幽顯沾恩十方仙童玉女侍衛

蘭煙傳臣向來所啓速達徑御

太上无極大道至真玉皇上帝御前

出戶

太上黃籙齋儀卷之三十五

太上黃籙齋儀卷之三十五

太上黃籙齋儀卷之三十六

唐廣成先生杜光庭集

普度幽魂遷拔落景行道

入戶

各禮師存念如法

衛靈

五星高耀 瑞炁飛浮 元始集神

天地交周 玉符寶節 蕭命微幽

擲火揚威 奸凶無留 萬魔振伏

紛葩却消 摧怪伐惡 道炁同流

神光照夜 陰翳俱收 萬仙降格

扇景乘颺 羣生感遂 惠過神州

鳴法鼓二十四通

无上玄元太上道君召出臣身中三五功曹

左右官使者侍香金童傳言玉女五帝直符

直日香官各三十二人出出者嚴裝關啓玄

壇天帝神君當召此間土地里域真官正神

急上關啓臣今奉為入意以今朝元行道願

得玉清道炁靈寶妙光下降流入臣等身中

即使玄壇清淨內外成真天無氛穢地絕妖

塵琳琅振響十方肅清萬魔不干具誠上徹
今臣所啓速達徑御

太上无極大道至真玉皇上帝御前

各稱法位

上清玄都非嶽先生臣等同誠上啓

虛无自然元始天尊无極大道太上王晨道
君太上老君无上玄老十方已得道大聖衆
至真諸君丈人三十六天帝君玉虚上帝玉

帝大帝東華南極西靈北真玄都玉京金闕
七寶玄臺紫微上宮靈寶至真明皇道君三

十六部尊經玄中大法師三界官屬一切真

靈臣等宿植良緣遭遇玄化生成羣有濟拔
幽沉叨奉師資佩三清之秘籙承玄旨諷
三洞之真經品列仙階名昇玉簡未能陶神
瑩骨絕跡冲襟空依衆妙之門多犯明真之

律向以受法之日申盟五帝告誓三官濟度
天人弘贊家國凡有禱請理合申陳今奉懇
誠固難過絕所承詞旨敢不上聞

讀詞

按如詞懇理濟幽明伏念齋主某以歷劫功

深諸天善勝仰自然之道化奉无極之元尊
臣國致君愛親事長弘救拔之深旨憫沉滯

之幽魂惻隱興懷慕傷寫忘遺應聖教以報
大恩披黃籙典章啓玄壇階級崇嚴鎮錄恭
獻香花告三官五帝之靈朝金闕玉房之聖

臣等依經修奉稟戒精嚴滌慮凝神洗心注
念以今落景行道請法衆等運茲初捨上香
願此香煙騰空徑上供養

无上至真道寶臣等歸身歸命首體投地仰
依

太上三尊願以是功德上資

皇家宗社九廟威靈德契無為功宜有載
皇帝龍圖永固鳳曆彌昌混一車書和同海
嶽兆民攸賴百度惟貞德化昭宣奕葉繁茂
萬方寧謐九曜高明遁跡修真師宗父母咸

遊八極早蕭三清今故燒香歸依
師尊大聖衆至真之德得道之後昇入无形
和與道合真

以今落景行道請法衆等運茲二捨上香
願此香煙騰空徑上供養

无上至真經寶臣等歸身歸命首體投地仰
依

太上三尊願以是功德奉福齋官九玄七祖
往逝神儀判除奪紀之名增益記功之簡昇
真仙境流慶子孫長居得一之真揚名後世

永懋持三之寶服訓前脩今故燒香歸依
師尊大聖衆至真之德得道之後昇入无形
和與道合真

以今落景行道請法衆等運茲三捨上香
願此香煙騰空徑上供養

无上至真師寶臣等歸身歸命首體投地仰
依

太上三尊願以是功德恩流庶品福被萬民
咸遂生成各均利濟爰及蓬飄旅魄浪泛遊
魂罹八難之深映脫九幽之極苦未除黑簿

莫記丹青咸願慈尊降垂靈貺命天官而認
錄勅地府以全收皆赴壇是盡露教度求離
惡趣俱植善根托蔭人天受生快樂今故燒
香歸依

師尊大聖衆至真之德得道之後昇入无形

2174B 13

和與道合具

懺悔

三啓

大道洞玄虛

有念無不契

鍊質入仙真

遵成金剛體

超度三界難

地獄五苦解

悉歸太上經

靜念稽首禮

三禮

等至心稽首禮

太上无極大道

等至心稽首禮

三十六部尊經

等至心稽首禮

玄中大法師

重稱法位

上清玄都某徽先生 等重啓

太上无極大道元始天尊太上玉晨道君太

上老君十方至真大聖太一天尊大帝天帝

三十六部尊經玄中大法師三界應感一切

真靈 等獲以凡微參奉大道三師盟授三

寶真經供養尊禮以求所願荷恩崇重喜懼

交襟 等受法之日約當宣揚正化開度幽

明凡有所陳理宜關奏以齋官弟子某任居

分間位重鈞衡佐道立功以善贊法竊親近

年之內封域之中俗值凶荒人罹災眚雖時

無旱澇而氣有愆調貧病札瘥飢饉歎厄悠

悠生聚坐被尸傷怖慘黎元多成困斃以致

形骸未保性命不全老幼嬰疔死亡枕藉且

人之處世頃刻一生電逝風馳固難長保所

歿之者其例甚多或有事主志願報君靈節

死於陣敵不顧生全或經販求財死於貪利

或干名徇祿歿於求榮或異性頑凶行心險

詐忍不及物惠不及人僻差居懷褻褻成性

偶有疾苦無人供奉一旦嬰疔遂至困劇或

飢寒逼迫內外侵傷殍死路歧無人收拾或

猪拖狗拽或鼠喫蟲養生困路途死填溝壑

或風吹日晒或雨洗霜侵其親肌膚空殘骸

骨或手足不具或頭脚都無零落尸形甚可

悲念今則併今拈拾共為 宜別女男不

分老小兒今暴露咸得蓋藏沉以大教之中

慈悲為本務先掩蔽理切傷嗟又先聖運心

儒宗制禮起封種柏猶防地媼之使欺掩骸

埋齒免起生人之嗟嘆蓋欲使生者和泰及

者安全豈時數之使然亦正理之所致內懷

憂痛外切慙傷是以詣某處備玄門齋醮仰

申懺謝上聞於三十六天廣徧歸依普告於

十方世界伏冀至真眾聖

元始高尊勅三官五帝之司告六趣九幽之

內靈加渥澤咸使安貞赦生前歿後之愆釋

若責長勝之芒沐浴天澤洗滌幽陰鍊度形

魂出離罪惱生者必蒙其濟祐死者咸契於

往生齋主某特為瘞藏共為塋塚各安其所

並保其宜速達往生勿為留滯然願四時和

暢六氣均調物奉人安時享俗阜至於茫茫

之夜府常垂憐杖之綠杳杳之天堂果叶安

貞之願上明

天尊大慈之澤下副 等歸命之誠謹啓以

聞

發願

一願大道流行普天懷德二願一切有生成

皆悟道三願九夜幽魂一時解脫四願孤寡

無依成得受生五願天下太平五穀豐登六願臣忠子孝君仁父慈七願四海通同免親和釋八願潛胞處卵成得生成九願積疾新痾旋即痊愈十願孤露衆生豐衣足食

復爐

香官使者左右龍虎君侍香諸靈官當本朝元之所自然生金液丹碧芝英百靈衆真交會在此香火洞紫爐前今學道得道求仙得仙齋主獲福幽顯沾恩十方仙童玉女侍衛蘭煙傳向來所啓連徑御

出戶

太上黃籙齋儀卷之三十六

太上黃籙齋儀卷之三十七

唐廣成先生杜光庭集
遷拔清旦行道

各禮師存念如法

衛靈

青陽虛映 曜日回靈 神虎辟邪
飛天流鈴 摧奸滅試 萬魔束形
九微回道 八威攝精 千真校錄
三元蕩滌 左灑中黃 右策六丁
七轉八合 周旋天經 聖化瓊觀
三道順行 慶雲流布 合景黃庭
鳴法鼓二十四通

无上玄元太上道君召出_臣身中三五功曹左右官使者侍香金童傳言散花玉女五帝直符直日香官各三十二人出出者嚴裝關啓玄壇天帝神君當召此間土地里域真官正神以今奉為入意修齋道謝過祈恩願得玉清道炁靈寶妙光下降流入_臣等身中即使紫清鬱勃玉關開明五帝輔根萬神攝

真體圓珠映乘景臨宸金光煥赫御忝上清今日所啓速達徑御
太上无極大道無形無名虛无自然金闕玉陛下

各稱法位

具位_臣某與臨壇官衆等謹同誠上啓
虛无自然元始天尊无極大道太上大道君太上老君无上玄老十方尋聲救苦天尊已得道大聖衆至真諸君大人三十六天帝君玉虛上帝玉帝大帝東華南極西靈北真玄都玉京金闕七寶玄臺紫微上宮靈寶至真明皇道君三十六部尊經玄中大法師三界官屬一切真靈_臣等伏聞大道垂文元尊演教濟生度死佐國安人普及幽明同臻覆祐日以夙承玄訓獲被職司宜廣慈風以拯羣品况奉詞旨敢不上聞

讀詞

按如詞言理宜開濟以弟子某誠深修奉志切懺陳願開肆赦之期以拔幽牢之苦故贈法信騰款諸天油燭香花質心三界冀因精